

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Broj: 02-02-409/14
Sarajevo, 5.6.2014. godine

Z A P I S N I K
21. VANREDNE SJEDNICE DOMA NARODA PARLAMENTA
FEDERACIJE BOSNE I HERCEGOVINE, održane 3., 11., 28.4. i 5.6.2014.
godine

Sjednica je počela u 10.38.

Sjednici je predsjedavao Tomislav Martinović, predsjedavajući Doma naroda Parlamenta Federacije BiH.

Prije prelaska na rad predsjedavajući je pozdravio delegate, predsjednika Federacije BiH Živka Budimira, predstavnike Vlade Federacije, predstavnike udruženja odbrambeno-oslobodilačkog rata, predstavnike kantonalnih ministarstava za pitanja boraca i predstavnike akreditiranih medijskih kuća koji prate rad sjednice.

Izostanak sa sjednice opravdali su sljedeći delegati: Zora Dujmović, Mira Ljubjankić, Amir Zukić, Drago Puzigaća, Mirjana Malić, Zahid Bašić i Elvira Abdić–Jelenović.

Na osnovu evidencije Stručne službe, predsjedavajući je konstatovao da sjednici prisustvuje 40 delegata, što čini većinu, te Dom naroda može raditi i punovažno odlučivati.

Nakon toga, predsjedavajući je posjetio delegate da je Vlada Federacije BiH svojim aktom od 13.3.2014. godine zatražila od Doma naroda, odnosno Parlamenta Federacije održavanje tematske sjednice na kojoj bi se razmatralo - Stanje branilačkih prava sa analizom primjene Zakona o provođenju kontrole zakonitosti korištenja prava iz oblasti branilačko-invalidske zaštite.

Predsjedavajući Doma naroda prešao je na utvrđivanje dnevnog reda, te je upitao da li neko ima prijedlog za izmjenu i dopunu dnevnog reda.

U vezi sa prijedlogom za izmjenu i dopunu dnevnog reda otvorila se rasprava u kojoj su učestvovali: Damir Čardžić, Josip Perić, Zoran Jovanović i Jasenko Tufekčić.

Nakon toga, predsjedavajući je stavio na glasanje i konstatovao da je Dom naroda Parlamenta Federacije BiH, sa 37 glasova za i uz četiri uzdržana glasa, usvojio sljedeći:

D N E V N I R E D

1. Stanje branilačkih prava sa analizom primjene Zakona o provođenju kontrole zakonitosti korištenja prava iz oblasti branilačko-invalidske zaštite.

Predsjedavajući je otvorio raspravu u kojoj su učestvovali: Jasenko Tufekčić, u ime Kluba delegata bošnjačkog naroda, Damir Čardžić, Ivo Tadić, Hajrudin Bećirović, Zijat Mušić, Josip Perić, Aner Žuljević, Vesna Saradžić, Luka Faletar, Ekrem Prošić i predsjednik Federacije Živko Budimir.

Delegat Josip Perić zatražio je od Stručne službe Doma naroda da mu dostave izvod iz transkripta nastavka 102. sjednice Vlade Federacije BiH, održanog 13.3.2014. godine, koji se odnosi na tačku - o kontroli zakonitosti korištenja prava iz oblasti branilačko-invalidske zaštite.

Nakon toga, predsjedavajući je zaključio raspravu i na osnovu svih činjenica koje su iznesene u raspravi predložio zaključak i konstatovao da je Dom naroda, sa 41 glasom za i uz jedan uzdržani glas, usvojio sljedeći:

ZAKLJUČAK

1. Zadužuje se Vlada Federacije BiH da do 7.4.2014. godine Domu naroda dostavi informaciju o stanju branilačkih prava s analizom primjene Zakona o provedbi kontrole zakonitosti korištenja prava iz oblasti branilačko-invalidske zaštite.
2. Određuje se da će se nastavak 21. vanredne sjednice Doma naroda održati 11.4.2014. godine u 11 sati.

Sjednica je prekinuta u 12.33.

NASTAVAK SJEDNICE OD 11.4.2014. GODINE

Sjednica je počela u 15.05.

Sjednici je predsjedavao Tomislav Martinović, predsjedavajući Doma naroda Parlamenta Federacije BiH.

Prije prelaska na rad predsjedavajući je pozdravio delegate, predstavnike Vlade Federacije, predstavnike udruženja odbrambeno-oslobodilačkog rata, federalnog ministra za pitanja boraca i invalida odbrambeno-oslobodilačkog rata, ministre kantonalnih ministarstava za pitanja boraca Hercegovačko-neretvanskog kantona i Zapadnohercegovačkog kantona i predstavnike akreditiranih medijskih kuća koji prate rad sjednice.

Izostanak sa sjednice opravdali su Ekrem Prošić i Ivan Brigić.

Na osnovu evidencije Stručne službe, predsjedavajući je konstatovao da sjednici prisustvuje 35 delegata, što čini većinu, te Dom naroda može raditi i punovažno odlučivati.

Predsjedavajući je podsjetio delegate na tačku dnevnog reda i prešao na rad.

1. Stanje branilačkih prava sa analizom primjene Zakona o provođenju kontrole zakonitosti korištenja prava iz oblasti branilačko-invalidske zaštite

Vlada Federacije BiH dostavila je Domu naroda Parlamenta Federacije BiH Informaciju o stanju prava branilačke populacije sa Analizom primjene Zakona o provođenju kontrole zakonitosti korištenja prava iz oblasti branilačko-invalidske zaštite za period juli 2010. - 31. mart 2014. godine (član 11. Zakona o provođenju kontrole zakonitosti korištenja prava iz oblasti branilačko-invalidske zaštite „Službene novine Federacije BiH“, br. 82/09) sa zaključcima.

Predsjedavajući je obavijestio delegate da je predsjednik Federacije dostavio Informaciju o provedbi revizije korisnika branilačkih prava.

Potom je federalni ministar za pitanja boraca i invalida odbrambeno-oslobodilačkog rata Zukan Helez obrazložio Informaciju Vlade Federacije.

Nakon izlaganja ministra Heleza predsjedavajući je obavijestio delegate da je na sjednici Kolegija Doma naroda odlučeno da se predstavnicima udruženja iz odbrambeno-oslobodilačkog rata HVO i udruženja Armije RBiH omogući obraćanje Domu naroda. Udruženja su delegirala Dragana Radića, predsjednika HVIDRA, i generala Hajrudina Grabovicu.

Potom su se Domu naroda obratili Dragan Radić i Hajrudin Grabovica.

Dragan Radić pročitao je zaključke koje je sačinila koordinacija krovnih udruženja HVO.

Ivo Tadić, predsjednik Odbora za boračka i invalidska pitanja, rad, zdravstvenu i socijalnu zaštitu, obavijestio je delegate da sjednica Odbora zbog nedostatka kvoruma nije održana.

U raspravi su učestvovali: Josip Perić, Jasenko Tufekčić, koji je u ime Kluba delegata bošnjačkog naroda, pročitao zaključke koje je predložio Klub, Ivo Tadić, Damir Čardžić, Aner Žuljević, Zijat Mušić, predsjednik Federacije Živko Budimir i Stipo Pelivan.

Nakon toga, predsjedavajući je prekinuo sjednicu i čestitao Uskrs vjernicima katoličke i pravoslavne vjeroispovijesti.

Sjednica je prekinuta u 18 sati.

NASTAVAK SJEDNICE OD 28.4.2014. GODINE

Sjednica je počela u 11.20.

Sjednici je predsjedavao Tomislav Martinović, predsjedavajući Doma naroda Parlamenta Federacije BiH.

Prije prelaska na rad predsjedavajući je pozdravio delegate, predstavnike Vlade Federacije, predstavnike udruženja odbrambeno-oslobodilačkog rata, predstavnike kantonalnih ministarstava za pitanja boraca i predstavnike akreditiranih medijskih kuća koji prate rad sjednice.

Izostanak sa sjednice opravdali su sljedeći delegati: Ivan Brigić, Segmedina Srna-Bajramović, Josip Perić, Enes Salkanović, Marko Bosnić, Daliborka Milović i Drago Puzigaća.

Na osnovu evidencije Stručne službe, predsjedavajući je konstatovao da sjednici prisustvuje 33 delegata, što čini većinu, te Dom naroda može raditi i punovažno odlučivati.

Predsjedavajući je podsjetio delegate da je na prošlom nastavku prekinuta rasprava pa je potom otvorio nastavak rasprave u kojoj su učestvovali: predsjednik Kluba delegata hrvatskog naroda, Luka Faletar, Mustafa Kurtović, Tomislav Mandić, Jasenko Tufekčić, Stipo Pelivan, Zoran Jovanović, Esad Bašagić, Mirko Batinić, Aner Žuljević, Ivo Tadić, Josip Kvasina, koji je pročitao zaključke koje su donijeli osam predsjednika boračkih udruženja iz Srednjobosanskog kantona, Zijat Mušić, Damir Čardžić, Mladen Begić, ministar za pitanja boraca Zapadnohercegovačkog kantona, Omer Helda, predsjednik Saveza boraca Federacije BiH, Ale Hošić, predsjednik Saveza ratnih vojnih invalida Federacije BiH, Pavo Šljivić, savjetnik predsjedavajućeg Vijeća ministara Bosne i Hercegovine, Abdurahman Šečić, predsjednik Udruženja organizatora i pokretača otpora, Ivan Jurčević, u ime Udruženja penzionisanih i demobiliziranih branilaca HVO-a, Drago Vrbac, predsjednik Udruženja zaboravljenih branilaca Bosne i Hercegovine i Zukan Helez, federalni ministar za pitanja boraca i invalida odbrambeno-oslobodilačkog rata.

Nakon toga predsjedavajući je zaključio raspravu i dao pauzu kako bi se usaglasili zaključci koje su predložili Klub delegata bošnjačkog naroda i Klub delegata hrvatskog naroda.

Nakon pauze, predsjedavajući Doma naroda izjavio je da usaglašavanje nije uspjelo, pa je predloženo da predstavnici klubova konstitutivnih naroda sa predstavnikom Federalnog ministarstva za pitanja boraca i invalida odbrambeno-oslobodilačkog rata do nastavka ove sjednice pokušaju usaglasiti ove zaključke, a ako usaglašavanje ne uspije, glasalo bi se o zaključcima koje su predložili Klub delegata bošnjačkog naroda i Klub delegata hrvatskog naroda.

Klub delegata hrvatskog naroda predložio je Ivu Tadića za predstavnika ovog kluba.

Klub delegata bošnjačkog naroda predložio je Zijata Mušića za predstavnika ovog kluba.

Klub delegata srpskog naroda predložio je Zorana Jovanovića za predstavnika ovog kluba.

Federalni ministar za pitanja boraca i invalida odbrambeno-oslobodilačkog rata predložio je Ismara Bratića.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 33 glasa za, uz jedan uzdržani glas i uz jedan glas protiv, usvojio Zaključak kojim su za članove Komisije za usaglašavanje ovih zaključaka imenovani Ivo Tadić, Zijat Mušić, Zoran Jovanović i Ismar Bratić.

Nakon toga predsjedavajući je prekinuo sjednicu u 17.35.

NASTAVAK SJEDNICE OD 5.6.2014. GODINE

Sjednica je počela u 11.20.

Sjednici je predsjedavao Tomislav Martinović, predsjedavajući Doma naroda Parlamenta Federacije BiH.

Prije prelaska na rad predsjedavajući je pozdravio delegate, predstavnike udruženja branilaca i predstavnike akreditiranih medijskih kuća koji prate rad sjednice.

Izostanak sa sjednice opravdali su Enes Salkanović i Ivan Brigić.

Na osnovu evidencije Stručne službe, predsjedavajući je konstatovao da sjednici prisustvuje 33 delegata, što čini većinu, te Dom naroda može raditi i punovažno odlučivati.

Predsjedavajući je podsjetio delegate da je Dom naroda na prethodnom nastavku donio Zaključak kojim su za članove Komisije za usaglašavanje zaključaka, koje su predložili Klub delegata bošnjačkog naroda i Klub delegata hrvatskog naroda, imenovani Ivo Tadić, Zijat Mušić, Zoran Jovanović i Ismar Bratić.

Također, obavijestio je delegate da Komisija nije dostavila Zaključke i pozvao predstavnike Komisije da uzmu riječ.

U ime Komisije govorili su Ivo Tadić, Zijat Mušić i Zoran Jovanović.

U raspravi su učestvovali: Esed Radeljaš, Hajrudin Bećirović, Dževad Rađo i Jasenko Tufekčić.

Nakon rasprave, predsjedavajući je pozvao predstavnike Komisije i Federalnog ministarstva za pitanja boraca i invalida odbrambeno-oslobodilačkog rata i predstavnike klubova naroda da pokušaju usaglasiti zaključke, te dao pauzu.

Nakon pauze, Ivo Tadić izjavio je da je postignut dogovor u vezi sa zaključcima pa ih je pročitao.

Na osnovu rezultata glasanja, predsjedavajući Doma naroda Parlamenta Federacije BiH konstatovao je da je Dom naroda Parlamenta

Federacije BiH, sa 31 glasom za, uz devet uzdržanih glasova i uz dva glasa protiv, usvojio sljedeće:

ZAKLJUČKE

1. U roku 30 dana formirati tim za koordinaciju revizije u skladu sa zakonom i Pravilnikom o formiranju i radu revizorskih timova za kontrolu i revizorskog tima za koordinaciju.
2. U roku 30 dana izvršiti usklađivanje sastava revizorskih timova u skladu sa odredbama zakona i Pravilnika o formiranju i radu revizorskih timova za kontrolu i revizorskog tima za koordinaciju.
3. Izvršiti usklađivanje svih zakona koji reguliraju branilačku oblast sa presudama Ustavnog suda Federacije BiH i bez odlaganja otkloniti sve posljedice koje su nastupile do presuda Ustavnog suda Federacije BiH.
4. U dogovoru sa Vladom Zapadnohercegovačkog kantona u roku 15 dana ukloniti prepreke reviziji, izvršiti povrat pečata u grupe za vojnu evidenciju i uspostaviti isplate korisnicima invalidnina sa područja ovog kantona.
5. Do 31.7.2014. godine izraditi Zakon o jedinstvenom registru pripadnika Oružanih snaga i korisnika prava iz oblasti branilačko-invalidske zaštite koristeći preciznu ratnu evidenciju svih boračkih kategorija i uputi ga u parlamentarnu proceduru.
6. U roku 45 dana dostaviti Parlamentu Federacije BiH Nacrt Zakona o demobiliziranim braniteljima.
7. Do 15.7.2014. godine u parlamentarnu proceduru uputiti Zakon o izmjenama i dopunama Zakona o povoljnijem penzionisanju branitelja odbrambeno-oslobodilačkog rata.
8. Zadužuje se Vlada Federacije BiH da u dogovoru sa kantonalnim vladama donese program zapošljavanja branilačke populacije.
9. U roku 60 dana pokrenuti proceduru popune upražnjenih mjesta u Federalnom ministarstvu za pitanja boraca i invalida odbrambeno-oslobodilačkog rata u skladu sa popisom stanovništva u Bosni i Hercegovini iz 1991. godine. Popunu izvršiti u skladu sa odredbom člana 7. Zakona o pravima branitelja.
10. U roku 30 dana pristupiti izmjenama Zakona o pravima branitelja i njihovih porodica na način da se u postupku utvrđivanja stepena invaliditeta za ranjene i zarobljene tokom rata ne može utvrditi postotak invalidnosti manji od 20%.

11. U skladu sa međunarodnim ugovorom između Republike Hrvatske i Bosne i Hercegovine Federalno ministarstvo za pitanja branitelja i invalida odbrambeno-oslobodilačkog rata hitno će okončati dostavu podataka koje je tražio Zavod mirovinskog osiguranja Republike Hrvatske.
12. Do 31.7.2014. godine dostaviti Parlamentu Federacije BiH informacije o stanju zaposlenosti pripadnika branilačke populacije u odnosu na ukupan broj zaposlenih u javnim poduzećima, javnim ustanovama, organima i tijelima uprave na nivou Federacije BiH sa stanjem na dan, 31.12.2013. godine.
13. U roku 90 dana pristupiti izradi i dopuni postojećih zakonskih rješenja iz oblasti branilačko-invalidske zaštite kako bi se ispravio diskriminatorski odnos prema braniteljima koji nisu ostvarili svoja prava.
14. Rad organizacionih jedinica Federalnog ministarstva za pitanja branitelja i invalida odbrambeno-oslobodilačkog rata uskladiti sa odredbama Zakona o federalnim ministarstvima i drugim tijelima federalne uprave.
15. Ovi zaključci bit će objavljeni u "Službenim novinama Federacije BiH".

Sjednica je završila u 13.30.

Transkript sjednice čini sastavni dio Zapisnika.

SEKRETAR

Izmir Hadžiavdić

PREDSJEDAVAJUĆI

Tomislav Martinović